

金華宗旨後跋

陰符三百字道德五千言何嘗有一語在色身講論乃後世言
長生之術者無不錯認乾坤坎離諸名色着相求之又執有爲
屬命無爲屬性之說配合身心身爲外丹心爲內丹是將性命
看成兩橛矣金華宗旨許旌陽真君謂爲四字天經卽所謂淨
明道法忠孝雷霆也源流載之悉詳此教外別傳之旨言性而
命在其中言命而性在其中斗中孝悌王序云離六塵無見性
之地舍六根無立命之基知六塵是本根則滴滴歸源知六根
皆光明藏則處處靈通數語足盡其妙尙何容贊一詞所惜者
萬善子旣已補入全書又云出言似非正大字句涉於舛錯者
道藏輯要

金華宗旨
後跋

壹

室集二
川二四

悉皆刪易之審此恐非全璧通幸沾法乳授太乙金華祕奧又
侍演金華闡幽修輯全書宗正同受者亦符七人之數因將宗
旨一一請證畧加刪訂一燈復繼千室共明其賴此超凡入聖
者將無所終極焉嗣派弟子通霄謹識